

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### EKONOMIA GARAPENAREN ETA LURRALDE OREKAREN SAILA

#### **Foru Gobernu Kontseiluaren 299/2018 Erabakia, ekainaren 12koa. Onestea Arabako foru Suhiltzaileak erakunde autonomoaren 2018rako enplegu publikoaren eskaintza**

Uztailaren 13ko 8/2016 Foru Arauaren bidez, Arabako Foru Suhiltzaileak erakunde autonomoa eratu zen, suteak prebenitzeko eta itzaltzeko eta salbamenduko zerbitzu publikoa kudeatzeko eta emateko, eta Arabako Lurralde Historikoan babes zibilaren eta larrialdien arretaren inguruan parte hartzeko.

Foru arau horrek Hirugarren Xedapen Gehigarrian, Aurrekontuko Plantillan, xedatu zuenez, hurrengo ekitaldietan behar ziren plazak sortuko ziren zerbitzua zabaltzeko.

Abenduaren 22ko 21/2017 Foru Arauak, Arabako Lurralde Historikoaren 2018rako aurrekontua gauzatzeari buruzkoak, 24.4 artikuluan xedatutakoa betetzeko, erakunde autonomoko lanpostu zerrendara hogeita zazpi plaza gehiago txertatu dira: bi, Iruña Okako parke zentralerako; hamabi, Aguraingo SISEUrako; hamabi Kanpezuko SISEUrako, eta bat, mantentze lanetarako ofiziala.

Uztailaren 6ko 6/1989 Legeak, euskal funtzio publikoarenak, 23.1 artikuluan, azaroaren 7ko 16/1997 Legeak emandako idazkeraren arabera, xedatzen duenez, "Administrazio Publiko bakoitzeko langileekin bete ezin diren giza baliabideak, hots, aurrekontu izendapena dutenak, enplegu publikorako eskaintzaz beteko dira".

Gaur gaurkoz oraindik ez denez onartu Estatuko 2018ko aurrekontu orokorren Legea, aplikatzekoa da azaroaren 47/2003 26 Lege Orokorrak, aurrekontuenak, xedatutakoa. Hain zuzen ere, lege horrek 38. artikuluan ezartzen duenez, Estatuko aurrekontu orokorrak luzatuko dira baldin Estatuko aurrekontu orokorren Legea ez bada onartzen kasuan kasuko ekitaldi ekonomikoaren lehenengo eguna baino lehen, eta zuzenean luzatutzat joko dira aurreko ekitaldiko hasierako aurrekontuak, harik eta berriak onartu eta Estatuko Aldizkari Ofizialean argitaratzen diren arte.

Alde horretatik, eta enplegu publikoaren eskaintzari dagokionez Estatuko aurrekontu orokorren Legeak aurtengo urterako ezar ditzakeen muga eta irizpideen arabera kasuan kasu aintzat hartu beharko diren aldaketak ezertan galarazi gabe, administrazio honen aburuz aplikatzekoa da ekainaren 27ko 3/2017 Legeak, Estatuko 2017rako aurrekontu orokorrenak, 19. artikuluan xedatutakoa.

Ekainaren 27ko 3/2017 Legeak, Estatuko 2017rako aurrekontu orokorrenak, 19. artikuluan ezartzen ditu 2017ko ekitaldirako langile berriak sartzeko muga eta eskakizunak, nolana ere, dagozkion gastu aurrekontuen I. kapituluko aurrekontu baliabideen arabera.

Ondorio horietarako, xedatzen da berriztapen tasa gehienez ehuneko 100ean ezarriko dela, beste kasu batzuen artean, suteak prebenitzeko eta itzaltzeko zerbitzuetako langileen plazak betetzeari dagokionez, betiere, Estatuko aurrekontu orokorren legeak zorpetze eragiketen baimenari dagokionez ezartzen dituzten mugak betetzen badira edo horiek gainditzen ez badira, eta, gainera, apirilaren 27ko 2/2012 Lege Organikoak, aurrekontu egonkortasun eta finantza iraunkortasunarenak, 11.4 artikuluan aipatzen duen egonkortasun printzipioa betetzen bada, bai aurreko ekitaldiko bai indarreko aurrekontuaren likidazioan.

Arabako Foru Sektore Publikoak, Kontuen Europako Sistemari jasotako baldintzetan, aipatutako aurrekontu legeak zorpetze mailari eta aurrekontu orekari dagokienez ezarritako baldintzak betetzen ditu. Baina, bestalde, aurrekontuko plantillako plaza hutsen deialdiak ez dakar foru

administrazioko langileen gastuaren gorakadarik; izan ere, kostua, aipatu den bezala, hark finantzatu izan du, osorik.

Ondorioz, urriaren 30eko 5/2015 Legegintzako Errege Dekretuak, enplegatu publikoaren oinarrizko estatutuaren legearen testu bateratua onartzen duenak, 37.1.l) artikuluan aurreikusitako ordezkari-tza sindikaleko erakundeekin negoziazioa egin ondoren, bidezkoa da Arabako Foru Suhiltzaileak erakunde autonomoaren enplegu publikoaren eskaintza onartzea; bertan, ekainaren 27ko 3/2017 Legeak, Estatuko 2017. urterako aurrekontu orokorrenarenak, 19. artikuluan ezarritakoarekin bat etorritik, aurrekontuko plaza huts guztiak jasotzen dira, kontuan hartuta horien hornidura ezin dela geroratu, prebentzio, su itzaltze eta salbamenduko zerbitzu publikoaren funtzionamendu egokirako.

Arabako Foru Suhiltzaileak erakunde autonomoko administrazio kontseiluak proposatuta eta uztailaren 6ko 6/1989 Legeak, euskal funtzio publikoarenak, 6.1.e) artikuluan eta erakunde autonomoaren estatutuaren (uztailaren 13ko 8/2016 Foru Arau bidez onartuak) 13. artikuluan ezarritakoarekin bat etorritik, honako hau

#### ERABAKITZEN DUT

Lehenengoa. Onestea Arabako Foru Suhiltzaileak erakunde autonomoaren 2018. urterako enplegu publikoaren eskaintza, erabaki honen eranskinean jasotzen denari jarraikiz.

Bigarrena. Sartzeko sistema orokorra irekia izango da, aipatutako eranskinean barne sustapeneko sistemarako gordetzen diren plazetan izan ezik.

Hirugarrena. Hautaketa prozedura oposizio-lehiaketa bidezkoa izango da, eta erakunde autonomoko lehendakariak onartutako deialdietan ezarriko dira, uztailaren 13ko 8/2016 Foru Arauak onartutako estatutuaren 13. artikuluan ezarritakoarekin bat etorritik, horietan parte hartzeko baldintzak eta, hala badagokio, euskararen derrigorrezko hizkuntza eskakizuna; hura nahitaez bete beharko da sartzeko.

Laugarrena. Urriaren 30eko 5/2015 Legegintzako Errege Dekretuak, enplegatu publikoaren oinarrizko estatutuaren legearen testu bateratua onartzen duenak, 70.1 artikuluan ezarritakoaren arabera, dagozkion hautaprobak 3 urteko epean egin beharko dira, gehienez ere, erabaki hau EHAA-n argitaratu eta hurrengo egunetik kontatzen hasita.

Bosgarrena. Erabaki hau eta beraren eranskina ALHAOn argitaratzea, bai eta laburpen bat ere EHAA-n.

Seigarrena. Erabaki honen aurka administrazioarekiko auzi errekurtsioa jarri ahalko da, bi hilabeteko epean, argitaratu eta hurrengo egunetik aurrera, Gasteizko administrazioarekiko auzietarako epaitegian edo, nahi izanez gero, berraztertze errekurtsioa, hilabeteko epean, Diputatuen Kontseiluari, bat etorritik uztailaren 13ko 29/1998 Legeak, administrazioarekiko auzien jurisdikzioa arautzen duenak, 46.1 artikuluan ezarritakoarekin, urriaren 1eko 39/2015 Legeak, administrazio publikoen administrazio prozedura erkidearenak, 123. artikuluan xedatutakoarekin lotuta.

Vitoria-Gasteiz, 2018ko ekainaren 12a

*Diputatu nagusia*

**RAMIRO GONZÁLEZ VICENTE**

*Diputatu nagusiordea eta Ekonomia Garapenaren eta Lurralde Orekaren saileko diputatua*

**MARIA PILAR GARCIA DE SALAZAR OLANO**

*Lurralde Orekaren zuzendaria*

**IÑAKI GUILLERNA SAENZ**

## ERANSKINA

Enplegu publikoaren eskaintzarako 2018ko deialdia, Arabako Foru Suhiltzaileak organismoarena.

Gidabaimena (*)	Titulazio taldea	Kategoria	Sistema irekia	Barne sustapena	Guztira
CE	C2	Su hiltzailea	18		18
CE	C2	Kaboa		33	33
CE	C1	Ofizialordea		4	4
	C1	Administrataria	1		1
B	C1/C2	Mantentze lanetako ofiziala	1		1
			20	37	57

(\*) Gidabaimena badaukala egiaztatzeko data izango da deialdi bakoitzean eskabideak aurkezteko epea amaitzen deneko bera.